



O Volapükafiens Löfik !

Ekö fövot bespika tefü Volapük ko lädül *Katarzyna Tempczyk*:-

K.T. Suemob-li ya kuratiko. das Volapük - äs kanoy reidön in buks mödik Sperantapükik u lartügs - jenöfo edeadon bü yels mödik, e das noganükam olik binon steifül ad gelüfikön onu me Sperantapükans?

R.M. Jenöf binon, das Volapük neai edeadon, bi noganükam lönik ona edulon sis prim. Pädan *Johann Martin Schleyer* äbinom Datuval äsi Cifal balid: ün dels obsik söl *Brian R. Bishop* binom Cifal zülid in jän Cifalas sis Datuval: seko breik nonik ejenon in tef at. Cedob, das flen alik Volapüka sevon Sperantapüki; jenöfo Sperantapük äbinon pük balid mekavik, keli elämob. Äs ol it, ga no äsevo, das Volapük ädabinon. Te dü studs obik tefü rig Sperantapüka ikanob tüvön Volapüki, e nited oba äjoikon obi ad fovo vestigön dinädi. Volapükans ai ädabinons, ed äbinon desin söla *Arie de Jong* ad gebalön onis dub nüdüg püka perevidöl, kel ädakipon pünis alik binälik püka rigik. Atos pädunon ko zep lölöfik Kadema Volapüka, kel anu no dabinon.

K.T. Emäniotol revidi fa *Arie de Jong* yela 1931. Atos sinifos, das Volapük, keli propagidol, binon pük perevidöl, u pük rigik-li? U ba sotüls bofik dalabons-li flenis patik?

R.M. Volapük calöfik in vol adelik binon ut fa *Arie de Jong* perevidöl. Ädunom revidi zesüdik ma stips Kadema ün tim et: vobod at ädulon plu ka yels deg e päzepon lölöfiko fa Kadem it. Dabinons pösods anik, kels no vilons zepön osi, e kels plägons fomi rigik, ab binons te nepluamanum. No labons fluni tefü pük.

K.T. Kanol-li plänön kuratikumo cali söla *Bishop*? Dabinon-li fövot seimik Cifalas? Sevo, das söl *Bishop* binom cif Zanabüra Volapüka. Sagolös, begö! vödis anik döbür at

"Deli gudik!" āsagom tedan.

Äbinom tedan pilulas pemenodöl, kels stilükons soafi. Slugoy bali onas a vig e no senov plu neodi ad drinön.

"Kikodo selol-li etosi?" äsagom plin smalik.

"Binos timispālot gretik," āsagom tedan.

Jāfūdisēvans edunoms kalkulis. Spāļov minutis luldegkil a vig.

"E kisi dunov-li me luldegkil minuts at?"

"Dunov utosi, kelosi vilov dunõn . . ."

"Ob," äsagom oke plin smalik, "if laboböv minutis luldegkil ad fegebön, goloböv vemo nevifiko lü foned . . ."

♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦ ♦

# RÄT PRO FAMÜL LÖLIK

## LIVÜP

Els *Janin* e *Paul* konletons koanis. Ven spatons flanü mel, dalabons ai sakädis ad kipön nino koanis okik. Nen sevön mafotis kuratik sakädas, kanol-li түвөн : koanis liomödotik okanons-li nüpladön ini sakäd vagik?

TUVEDOTS RĀTAS MULA BŪIK

SUÄM LIOMÖDOTIK-LI?

Els *Tom* e *Marian* eremons numatis ladeta okik. Seko suām ela 204 äbinons dolars zül!

**SOBŪKAM** : Mens in Tats Pebalöl Meropa gebons sobi mödikum ka Belgäns, bi dabinons mens mödikum in Tats Pebalöl, ka in Belgän!

## X:75:2001

### SON PENOM LÛ MOT OKA (2)

O mot löfik oba !

Bü dels anik äluxamob kuratiko klotikipedöpi obik. Äklülos lü ob, das no kanoböv vitön ad remön mödoti ze gretiki klotas nullk pro nifüp.

Klots ömik lvedons so nenulädiks, das no plu kanoböv binön saldiko klotugik me ons. Pimütob go balugiko ad golön lü skrädan obik.

Keli neodob bü val, ut binon klotem komunik pro geb aldelik. Mutob primo büedön mekön pro ob yäki binü stof natöfik, e lä at bliti stripik.

Skrädan egetom ebo stoki nullk stofas pro säsun. Binon patiko liegöfik. Äjonom obe lemödoti stofas difik in köls valasotik : jeviot, köbamayän ed el 'tweed' Linglänik. Bi el "braun" binon attimo vogädaköl, ävälöb fino klotemi köbamayänik braunik gudik. Binon klotugikum e gevon logoti yunöfikum.

Lajiman ämafotom obi in mafidacem ed äpenetom vipis valik oba.

Spelob, das klotem at oplöpon gudikumo ka ut, keli äbonedob ün yel pasetik. Et no iplöpon pö lajimam; yäk no äbinon gudik topü jots.

Reto kanob komandön levemo skrädani obik. Binom man konsienöfik e voban skilik in voböp. Om it töbidom plödakösömiko ad kotenükön laldaremanis okik e ad fölön vipis onas.

Nifüpaplöguni e häti nulikis mutob i labön. I pemütob ad remön reinaguni nulik; ab somiki remob nejeriküno as konfäkot in konfäkotli-sellödöp.

Valikos! Gudikün Ole

X:76:2001

**DOM IN KLERÄTALUSÜT (3)**

**Koned fa el Johann Schmidt**

Dokan Schlägel it vestigom boso dinädi

Äditom\* de ob, ed i ob ikanoböv lüvön ragivi, ibä kevobans oba inunons obi me telefonöm, das ädevegons. Süpiko ye vil oba ad lomiovegön ädefon pö ob. In ladetabuk gretik zifa äsukob balido lusüti. Tāno ye āflanioseitob oni ed āsumob se bukakeds ragiva, de bukaboeds nilü ob, buki lönik veütiküni oba dö bāldaharat bāldikün. Buk at āninādon magodis mö tumats anik. Ädupadob oni, e tāno āreidob : "Logged ini Klerätalusüt". Nö! in lusüt smalik bāldik votikam domanūmas nemōdik no pijenūkon. Ed us, us ālogob oni, domi at, domi telid keda smalik mö doms te māls, kels ātopons bevü dugolōps nabik tels, lü cīfasüt nilik harata bāldik at āzugōls. Ästanon us as dom balugik labū teads tel sa masadatead, kel ādageton delaliti dub fobumād vidik in nuf geilik skapik. Dokan Hausenstein, kel is ni ālabom kosamis, ni yūmis, igo no pūlikūnis, lio ireafom-li ini stad nitedāla somik tefū dom balugik bāldik at? Ko lemufūkam\* stunöl ā sāköl kapa obik āgepladob buki dōnu sui bukaboed ed ālomiovegob.

-----  
DITÖN (DE)    to take leave (of)                      lemufūkam                      a shrug  
-----

Visit telid söla Hausenstein

Ven ün del balidfovik pos fided āgekōmob dōnu ini ragiv, āstebedob spetiko\* visiti dokana Hausenstein.

Älūkōmom nen latikam seimik.

"Otupob-li oli? o söl dokan!" āsagom ās glid.

"Nö! no ön mod pūlikün", āgesagob. "Tū adel igo konsālidadūps\* nonik pajenūkons. Ma volf dināda\* okanob gebidūkōn ole timi saidik."

X:77:2001

Vöds oba ätonons ladöfiko, do pö ninioköm oma e pö spik oma dönu pädfefob fa senäl neplänovik ot, äsä pö visit balid.

"O söl dokan!" el Hausenstein äprimom spikoti, "neodob oli as jäfüdisevan\* e ba nog ön mod votik."

"Kluöl!\* o söl oba!" (Äjonob ome bukis, penädis e dinis votik anikis, kels äseatons su püpiti).

"Is magod lusütadila tefik binon in buk, ed is jenotem neprolidik lusüta binon; is in penäd at otuvol däsinoti bäldik lusüta timü tumyel degjölid, e fino is fotografot timü yel : 1872 binon. Dub dins at odasevol, das tefü fom vönädik, votükam nonik ejenon. Doms valik lusüta stanons nog sis timäd pos zifalefil gretik tü prim tumyels degjölid. Kleud ko klerät pesästitons\* ya ün yels reformata\* relik. Logol su magods valik klerätaglügen boso flanio topöli, so, äsä nog dabimon ün atim. Sui däsinot bäldik i nog gad gretik kleuda pedäsinon, kel ye defon su magods se tim latikum."

"Danob oli!" el Hausenstein äsagom, posä ilülogom dü tim lunik bukis e magodis. Täno äjonom obe domi tefik in buk obik, ed äprimom nu ito pläni, äsya ob ädabinob-la as säkölan\*.

"Logolös!" äprimom, "is domayan binon nilü gul lü dom nilädik, e fenäts bofik binons su flan nedetik. Binons somo doniks sus pärunaveg lusüta nabik, das kanoyöv niniologön koveniko ini spadäds, if kläpedes fo fenäts no neletonsöv duni at. Su flan visoik lusütadila at doms nonik stanons; us te mön geilik binon."

"Mön at binon as miedamön ettimik, po kel gad gretik kleräta idabinon. Sis degyels mödik spad gada büätik pevotükon ad seatöp\* bumacifoda zifik."

"Gitedol!" dokan Hausenstein äsagom.

Timül seila äsökon.

## X:78:2001

"E din kinik neodon-li nu nog vestigi ?" äsākob smililölo.

Dokan Hausenstein äseilom nog dü tim ze lunik. Tāno äprimom spiki:

"O söl dokan! Ob as svist begob ole, sviste votik, suemi svistik ola dö dins ut, kelis fovo okonob ole. Stadol in yüm laidik ko pasetik-am, ed ol dabinol in zif at as men balik, kele okanob koefön dinädis anik; spelob, das dub atos ba okanol gevön obe konsäli u yufi. Votikans valik te besmilonsöv\* obi, u cedonsöv obi meni lienetik. Pö atos mutob dido koefön ole jenöfoti, das suvo padrefob fa klien bisarik, ti malädasümik pro dins epasetiköls. Sis lifayel mäldegid klien at ejonon oki mö naed balid, e pianiko enämikumon jüi dranäl\* vemik."

"Atos ejenon as vobed bälde", äsagob ästeifülölo ad läsükön plänis oma; om ye ädunom jästi taedik.\*

"Nö!" ägespikom. "Binob saidiko täläktik ad dasevön atosi asä dranäl\* malädik. Isagob ole, das nos, das lenos yümon obi ön mod alseimik ko zif at. Atos binädon ye te as verat stipöfik\*, sevabo pläämü jen, das drimölo ya ekomob is mö naeds anik, e ....."

BESMILÖN	to ridicule	REFORMAT	(The) Reformation
DRANÄL	a compulsion	SÄKÖLAN	an enquirer
JÄFÜDISEVAN	an expert	SPETIKO	expectantly
KLUÖ!	well now!	SÄSTITÖN	to disestablish
KONSÄLIDADÜP	an appointment	SEATÖP	a storehouse
MA VOLF DINÄDA	as things have	STIPÖFIK	conditional
turned out		TAEDIK	defensive

## SAGAT ALDELIK

Kiöp kat mobinon, rats opletons.

Dog, kel vaulon, no beiton.

LOVELOGAM LOVE VOL

KRIGAKRIMAN EDEADOM

Hiel *Anton Gecas*, krigakriman Nazidik edeadom in malādanöp Skotānik in zif Edinburgh bāldotū yels jöldeglul. Bū vig bal penunos, das fanābūk-amabūd no pōdadunon sekū saun badik oma, kel eneleton dablūni omik. Edeadom ünū muls māl pos flaged reiganefa Lietuvānik ad lovegivōn omi. Flaged et pādunon ün māzul, ed ün yulul yela at fanābūkamabūd pādunon. Kusads ta om ātefons krigakrimis in Lietuvān ed in Vieta-Rusān dū Volakrig Telid. El *Gecas* ābitikom as Lebūdan tefū Kompainadilād in Batay Poldik, kel ekomipon ko Deutānans posā ibeseidons Lietuvāni. El *Gecas* enoom dōnuamo, das edunom krigakrimis. Pladulan Yudik esagom, das dead omik in malādanöp ābinon le-mifāt ta gid.

♦ ♦ ♦ ♦ ♦ ♦ ♦ ♦ ♦

JEIKIMADUNS IN TATS PEBALÖL

In Tats Pebalöl Meropa, flitōms tel, kelas bal ābinon el Boeing 737, ātrovons ta Volazān Tedik in zif New York. Flitōm votik id ātrovon ta el Pentagon in zif Washington. Nog flitōm bal ātrovon in Tat ela Pennsylvania. Jeikimans, kels ledutons lū mufils lufākik Slamik, id isplodūkon toodabourni plōdū Ministerabumot in zif : Washington. Sifal zifa : New York, söl Rudolph Giuliani, āsagom, das mōdot lifas ipeperons, bi bal flitōmas pimodugöl āveigon tio menis tumluldeg. Presidan George W. Bush āsagom : "Otuvoobs utanis, kels edadunoms tatakī at."

♦ ♦ ♦ ♦ ♦ ♦ ♦ ♦ ♦

LAFGANISTĀN LEVOKON SLAMANEFI

Dugans todik ela *Taliban* (Reiganef Slamik lōlimik) elevokons Slamanefi da vol lōlik ad kompenōn pō krig saludik ta Lamerikān "nenlekredik." Bliboms su tikādōp okik, sevabo : das neodoms blufi, das hiel : Osama Bin Laden ātefom pō tatakī ta Tats Pebalöl, būā sludoms ad lovegivōn omi, u no, ini nams Lamerikānas. In jenet alik, stip veūtik obinon, das pocōdom in lān Slamik. I viloms, das nosūkoy mafis pōnik ta Lafganistān fa Nets Pebalöl.



**R.M.** Vob Zänabūra Volapüka binon propagid valemik Volapüka in mods alik. Söl *Bishop* binom pladulan cifik püka in vol adelik - jenöfo binom "Söl Volapük". Binom fovan nemedik hiela *Johann Martin Schleyer*, kel adaturvom püki. Gididom demü benolab püka ün tim obsik. Kademans vónaoloveiko no ávalons Cifali - at ábinon privileg Cifala бүик, kel ánemon fovani omik: "Vicifali". Cifal бүик (kel edeadom) *Johann Schmidt* ádunom leigo tefu söl *Bishop*. Adel Vicifal binom Fransánan. If odel Cifal deadamöv, Fransánan ovedomöv sunádo Cifal nulik. Ab at no binon ai so: samo. Vicifal it kanomöv deadön. u Vicifal konomöv sädunikön. u Cifal kanomöv plaádön Vicifali. El *Schleyer* ádunom etosi piuna.

**K.T.** Etuvob nuni, das Volapükans alik anu binons i Sperantapükans. e das módikans bevü ons jenöfo bejáfons me püks mekavik votik ás. samo. el "Interlingua" (ela IALA). u el "Occidental". Kanol-li u zepön. u korákön nuni at?

**R.M.** Kanob spikön te pro ob it. Bi binob pükavan, klüliko plidob ad studön püks votik alseimik. Bi Volapükaf lens binons mens taláktik. niludob. das maged leigik i binon klülabik, ab no sevob fumiko osi. Stunidob lesio steifüls olik tefu Volapük. Bü yels tum verato ábinon noganükam lenámik da vol lölik, ab ün tim at stad ota binon votiko. Ye pük no nog edunon natemi latikün. ab glori бүик binon ya mo. Ye pük dalabon pladi vemo veütik ninü jenav volapüka valemik. e binon pük somik báldikün in geb plagik adelo. Kikodo binob-li Volapükaf len? Sákoy osi obe módikna, e te kanob gespikön, das pro ob (e niludo pro votikans obas) Volapük binon pük kuratikün, kel dabinon, ed ai plidob ad vestigon mögis ona in lif adelik. Ven sevoy Volapüki staböfiko, laboy löfi gretik pro on. Niludob. das pladulobs adelo "Peválanefi". Privileg kion!

Spelob vemo. das reidans Polánik olárnons bosi tefu pük obsik. Ba neai buo elilons dö Volapük. Ábinon pöt gönik. keli egleipob.

Valikosi Gudikün Oles ed Olikanes

sedom

*Ralph*

